

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	5 Mawrth 2019
<b>SWYDDOG ARWEINIOL:</b>	Pennaeth Cynllunio a Diogelu'r Cyhoedd
<b>SWYDDOG CYSWLLT:</b>	Rheolwr Busnes Diogelu'r Cyhoedd <a href="mailto:licensing@denbighshire.gov.uk">licensing@denbighshire.gov.uk</a> 01824 706066
<b>PWNC:</b>	Ymateb drafft i ymgynghoriad Llywodraeth Cymru ar wella cludiant cyhoeddus

## 1. PWRPAS YR ADRODDIAD

- 1.1 Rhoi gwybodaeth i'r Aelodau am ymgynghoriad ar gludiant cyhoeddus, gan gynnwys tacsis, sy'n digwydd yng Nghymru, a rhoi diweddariad i'r aelodau ar ymateb arfaethedig i'r ymgynghoriad hwnnw.

## 2. CRYNODEB GWEITHREDOL

- 2.1 Mae Llywodraeth Cymru yn ymgynghori ar Bapur Gwyn ar gynigion i ddeddfu ar ddiwygio cynllunio a darparu gwasanaethau bws lleol a thrwyddedu tacsis a cherbydau hurio preifat yng Nghymru. Mae swyddogion wedi ystyried y ddogfen ymgynghori a'r cwestiynau a ofynnwyd gan Lywodraeth Cymru ac wedi drafftio ymateb arfaethedig.

## 3. PŴER I WNEUD Y PENDERFYNIAD

- 3.1 Dim penderfyniad yn angenrheidiol.

## 4. GWBODAETH GEFNDIR

- 4.1 Ni all Cerbydau Hacni ("Tacsis") weithredu oni bai fod y cerbyd a'r gyrrwr wedi'u trwyddedu gan yr awdurdod lleol o dan Ddeddf Cyfrifoldebau Heddluoedd Trefol 1947. Ni all cerbydau Hurio Preifat ("CHP"), gyrrwyr a gweithredwyr weithredu heb y trwyddedau a gyflwynir o dan Ddarpariaethau Deddf Llywodraeth Leol (Darpariaethau Amrywiol) 1976.
- 4.2 Er bod caniatáu trwydded wedi'i gynnwys mewn deddfwriaeth, gall awdurdodau lleol unigol ychwanegu amodau, polisïau a gweithdrefnau at y broses a gall y rhain amrywio o ranbarth i ranbarth.

- 4.3 Lansiodd Llywodraeth Cymru gyfnod ymgynghori i geisio safbwyntiau ar bapur gwyn ar 'Wella Cludiant Cyhoeddus'. Mae'r ddogfen ymgynghori ynghlwm yn Atodiad A.
- 4.4 Bydd yr ymgynghoriad ar agor tan 27 Mawrth 2019.
- 4.5 Mae'r ymgynghoriad yn edrych ar sut y mae gwasanaethau bws lleol yn cael eu cynllunio a'u darparu yn ogystal ag edrych ar ddiwygi'r modd y trwyddedir tacsis a cherbydau hurio preifat. Yn yr adroddiad hwn yr elfen tacsis a cherbydau hurio preifat yn unig sy'n cael ei ystyried.
- 4.4 Mae'r ddogfen ymgynghori yn gofyn am safbwyntiau ar bedwar prif faes, sef:
- **Cynigion i osod safonau cenedlaethol ar gyfer trwyddedu tacsis a cherbydau hurio preifat.** Byddai'n rhaid i bob tacsî a cherbyd hurio preifat yng Nghymru gwrdd â'r safonau hyn er mwyn cael trwydded. Byddai'r safonau hyn yn cael eu pennu drwy reoliadau felly byddai rhagor o ymgynghoriad ar eu cynnwys.
  - **Cynigion i ganiatáu i awdurdod trwyddedu gymryd camau gorfodi yn erbyn unrhyw gerbyd sy'n gweithredu yn ei ardal.**
  - **Cynigion i ganiatáu creu trefniant ar gyfer rhannu gwybodaeth berthnasol, i ddibenion diogelu.**
  - **Cynigion i atgyfeirio'r holl swyddogaethau trwyddedu tacsis a cherbydau hurio preifat o'r awdurdodau lleol i awdurdod trwyddedu cenedlaethol – Cyd Awdurdod Trwyddedu (CAT).** Byddai hyn yn cynnwys trwyddedu, gosod ffioedd, gorfodaeth, gwrando apeliadau sy'n deillio o benderfyniadau trwyddedu, erlyniadau a phenderfynu ar faterion megis a ddylid pennu rheoliadau o ran niferoedd tacsis.
- 4.7 Gofynnir nifer o gwestiynau ac mae ymateb drafft wedi'i baratoi a'i atodi yn Atodiad B. Bwriad yr ymateb hwn yw rhoi gwybodaeth frifio i'r Cabinet er mwyn llunio ymateb ar bob agwedd ar yr ymgynghoriad.
- 4.8 Mewn perthynas a'r Cyd Awdurdod Cludiant, gofynnir am farn ar ddau opsiwn:
- Opsiwn A – Ydych chi'n cytuno a'n cynnig i ailgyfeirio'r holl swyddogaethau trwyddedu tacsis a cherbydau hurio preifat presennol o'r awdurdodau lleol i awdurdod trwyddedu cenedlaethol?
  - Opsiwn B – Ydych chi'n meddwl y dylai awdurdodau lleol barhau i fod â chyfrifoldeb dros drwyddedu tacsis a cherbydau hurio preifat?

## 5. YSTYRIAETHAU

- 5.1 Gofynnir i'r aelodau ystyried cynnwys y Papur Gwyn a'r ymateb arfaethedig.
- 5.2 Dylai'r aelodau nodi y gallai Opsiwn A (fel y'i amlinellir ym mharagraff 4.8 uchod) gael effaith arwyddocaol ar gyllido'r tîm trwyddedu.
- 5.3 Bwriad Opsiwn B (fel y'i amlinellir ym mharagraff 4.8 uchod) yw gwneud gwelliannau o ran safoni, gorfodaeth a rhannu gwybodaeth.

## 6. ARGYMHELLION

- 6.1 Bod yr Aelodau'n nodi ac yn cefnogi cynnwys yr adroddiad a'r ymateb arfaethedig, ac
- 6.2 Yn amodol ar unrhyw newidiadau a gynigir, bod yr Aelodau'n awdurdodi'r Pennaeth Cynllunio a Diogelu'r Cyhoedd i gyflwyno'r drafft terfynol fel ymateb i elfen trwyddedu tacsis a cherbydau hurio preifat ymgynghoriad Llywodraeth Cymru ar Wella Cludiant Cyhoeddus.